



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11-04/02-34-51929-2/24  
Sarajevo, 16.01.2025. godine

## SKUPŠTINA KANTONA SARAJEVO

n/r Elvedin Okerić, Predsjedavajući Skupštine Kantona Sarajevo

**Predmet:** Izjašnjenje na zastupničko pitanje, *traži se*

*Poštovani,*

Zastupnica u Skupštini Kantona Sarajevo, **Smiljana Viteškić** je u skladu sa odredbama Poslovnika Skupštine Kantona Sarajevo („Službene novine Kantona Sarajevo“ broj: 15/13, 47/13, 47/15, 48/16, 9/20, 14/20, 16/22 i 17/22-Ispravka) na 17. radnoj sjednici Skupštine Kantona Sarajevo postavila zastupničko pitanje koje glasi:

**„Prema informacijama roditelja učenika IV Gimnazije Ilidža u posljednja dva mjeseca učenici ove škole su samo dva dana imali kompletnu nastavu. Ni jutros nisu na nastavi, jer je ponovo dojavljena bomba u prostorijama škole. Prema obavještenju Uprave škole: „Nastava će biti nadoknađena čim se za to steknu uslovi...“ Kako, kada, kako će maturanti nadoknaditi toliko časova?“**

### ODGOVOR:

U vezi sa postavljenim zastupničkim pitanjem Ministarstvo za odgoj i obrazovanje Kantona Sarajevo je od JU Četrta gimnazija Ilidža zatražilo izjašnjenje. JU Četrta gimnazija je Ministarstvo dostavila traženo izjašnjenje broj: 02/02-3-7-1/25 od 10.01.2025.godine koje u prilogu akta dostavljamo kako bi se isto dostavilo zastupnici u Skupštini Kantona Sarajevo, Smiljani Viteškić“.



### Dostaviti:

1. Naslovu,
2. Evidenciji,
3. a/a.



459

Broj: 02/02-3-7-1/2025  
Ilidža, 10.1.2025.godine

**KANTON SARAJEVO**

**Ministarstvo za odgoj i obrazovanje**  
**Reisa Džemaludina Čaušević 1**  
**71000 Sarajevo**

**Bosna i Hercegovina**  
**Federacija Bosne i Hercegovine**  
**KANTON SARAJEVO**

|                       |              |
|-----------------------|--------------|
| PRIMLJENO: 13-01-2025 |              |
| Organizacija          | Drugi prijem |
| 11                    | 34 51929-95  |

14-01-2025  
-05-

**PREDMET:** Izjašnjenje na zastupničko pitanje-veza vaš akt br. 11-05/02-34-51929/24 od 24.12.2024.godine

Poštovani,

Dana, 6.1.2025.godine zaprimili smo (putem pošte) na Protokol JU Četvrta gimnazija Ilidža vaš akt br. 11-05/02-34-51929/24 od 24.12.2024.godine. U navedenom Aktu traži se izjašnjenje na zastupničko pitanje (u izvornoj formi):

**„Prema informaciji roditelja učenika IV Gimnazije Ilidža u posljednja dva mjeseca učenici ove škole su samo dva dana imali kompletnu nastavu. Ni jutros nisu na nastavi, jer je ponovo dojavljena bomba u prostorijama škole. Prema obavještenju Uprave škole: “Nastava će biti nadoknađena čim se za to steknu uslovi...” Kako, kada, kako će maturanti nadoknaditi toliko izgubljenih časova?”**

zastupnice SDA u Skupštini Kantona Sarajevo, Smiljane Viteškić, postavljeno na sjednici Skupštine Kantona Sarajevo 26.11.2024.godine.

Prva dojava o postavljenoj eksplozivnoj napravi-bombi u prostorijama Škole zaprimljena je na zvanični e-mail Škole 14.10.2024.godine i dojave su trajale do 10.12.2024.godine (ne u kontinuitetu).

U navedenom periodu, po dojadi (najmanje jedna a najviše dvanaest dojava u toku dana) o postavljenoj bombi u školi, vršena je evakuacija prisutnih i KDZ pregled Škole u skladu s uputama nadležne PU Ilidža, izuzev za dane: 4.12.2024.godine, 5.12.2024., 6.12.2024., 9.12.2024. i 10.12.2024.godine.

U navedenim danima (deset dana): 14.10.2024.godine, 15.10.2024., 16.10.2024., 24.10.2024., 28.10.2024., 30.10.2024., 31.10.2024., 1.11.2024., 11.11.2024. i 12.11.2024.godine, po dojadi o postavljenoj eksplozivnoj napravi i evakuaciji, nastava za taj dan je realizovana upotpunosti, online.

U navedenim danima: 18.11.2024. (održan 1 čas do evakuacije), 20.11.2024. (održan 1 čas do evakuacije), 21.11.2024. (održan 1 čas do evakuacije), 22.11.2024. (održan 1 čas do evakuacije), 26.11.2024. (održan 1 čas do evakuacije), 27.11.2024. (održan 1 čas do evakuacije), 28.11.2024. (održana 3 časa do evakuacije, nakon KDZ pregleda održani svi preostali časovi za taj nastavni dan), 29.11.2024.,



**2.12.2024.** (održan 1 čas do evakuacije), **3.12.2024.godine** (održan 4 časa do evakuacije), po dojavi o postavljenoj eksplozivnoj napravi i evakuaciji, **nastavni proces je obustavljen zbog ponovnih dojava nakon prvog KDZ pregleda i pokušaja povratka na nastavu s propratnom i oglašenom novom Satnicom za nastavak realizacije nastave za taj nastavni dan.**

U skladu s članom 47., Zakona o odgoju i obrazovanju u osnovnoj i srednjoj školi u **Kantonu Sarajevo**

**Stav (11): U toku sedmice učenici srednje škole mogu imati najviše 35 časova nastave, s tim da u toku dana ne mogu imati više od sedam časova redovne nastave i**

**Stav (12): Nadoknada nastavnih časova može se realizirati drugim primjerenim sadržajima (odlazak u pozorište, kino, posjeta muzeju, društveno-korisno učenje, volontiranje, kulturne i sportske aktivnosti i sl.). Ovaj oblik nadoknade nastavnih časova predlaže predmetni nastavnik, a odobrava direktor škole. Ograničenje iz st. (7), (8), (9), (10) i (11) ovog člana ne odnosi se na ovaj oblik nadoknade nastavnih časova,**

nakon stjecanja uslova za realizaciju nesmetanog odvijanja nastavnog procesa, a u najboljem interesu učenika, pristupilo se nadoknadi dijela nerealizovanih nastavnih časova shodno navedenim stavovima, na prijedlog predmetnih nastavnika, uz odobrenje direktora škole i propratni Plan nadoknada za I polugodište školske 2024/2025.godine od 9.12.2024.godine, s kojim je upoznato i Vijeće roditelja.

Plan nadonada za I polugodište školske 2024/2025.godine uspješno je realizovan uz maksimalno zalaganje predmetnih profesora, kolektiva i učenika Četvrte gimnazije Ilidža. Na kraju I polugodišta školske 2024/2025.godine svim učenicima JU Četvrta gimnazija Ilidža izveden je uspjeh o postignutim rezultatima u učenju i vladanju, uz dovoljan broj ocjena iz svih nastavnih predmeta. Dio nerealizovanih časova nastalih u vanrednim okolnostima-dojavama o postavljenoj bombi u školi biće realizovan u II polugodištu školske 2024/2025.godine a u skladu s članom 44., Zakona o odgoju i obrazovanju u osnovnoj i srednjoj školi u Kantonu Sarajevo,

**Stav (5): Nastavna godina počinje prvog radnog dana u septembru tekuće godine, a završava se najkasnije do 30. juna naredne godine, osim ako Ministarstvo drugačije ne propiše školskim kalendarom.**

Konkretno, maturanti Četvrte gimnazije Ilidža u II polugodištu školske 2024/2025.godine trebaju nadoknaditi 7 nastavnih časova.

S poštovanjem,

Dostaviti:  
-Naslovu  
-a/a.



Direktorica:

*[Signature]*